



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Benedicti Ariæ Montani Hispalensis Poemata**

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex  
Hebraica veritate in Latinum carmen obseruantissimè conuersi

**Arias Montano, Benito**

**Antverpiæ, 1589**

Psalmvs XIII. Vsquequo Domine obliuisceris me in finem?

**urn:nbn:de:hbz:466:1-44993**

Saluum me fac Domine, quoniam defecit sanctus.  
PROVIDENTIA VINDEX.

1 Ad præstantem super octauam, Psalmus Dauid.

*Ode Dicolos Distrophos.*

2 **I**AS ades redemptor & vindex; pius  
Nam nullus extat, aut probus:  
Rarum est nepotes inter Adæ perfidos  
Veracis exemplum viri.

3 Qui verba vanis adparata vocibus  
Vtrimque fallentes ferunt;  
Docti labellis insonare lubricis,  
Binis loquuntur cordibus.

4 **I**AS dolosi labra vt oris lubrica  
Linguamque scindat improbam:  
Hæc qui insolente proferunt audacia,

5 Nos lingua nostra principes,  
Nostrique labri compotes agnouerit,  
Quis tutor est nobis datus?

6 Vindex auaræ fraudis, inquit, pauperum  
Direpta quærens pignora,  
Gementis excitatus vsque egenuli  
Lugubribus suspirijs

**I**AS salutis auctor, insurgam modo  
Et liberabo hoc retibus.

7 Quæ dixit **I**AS dicta pura, candida;  
Argenti & excretum genus,  
Cauo perurens scoriam quod fictili  
Ignis recoxit, septimus.

8 **I**AS redemptor ô tuum custos pecus  
Seruabis, & reges bonus;  
Assertor ac de gentis impuræ manu  
In sæcla duces postera:

9 Nam cuncta feruent conuoluta ab improbis,  
Nusquam & quieti sunt pij:  
Furente quum terrenus arte filius  
Insurgit, & potens viget.

PSALMVS XIII.

Vsquequo Domine obliuisceris me in finem?

EXOPTANDA TUTE LA.

Ad præstantem, Psalmus Dauid.

*Ode Tricolos Tetraistrophos.*

1 **I**AS profundæ quem statuis modum  
Obliuionis, qua premor heu, tua?

- Quem negligendi, vt iam negato  
Me videas recreesque vultu?
3. Quem vel laboris consilij &, meum  
Quis nocte feruens pectus inæstuat?  
Exercet aut quæ cor perennes  
Anxietas, agitatque soles?
- Quisve insolenti finis erit, meum  
Instanti & hosti vt comminuat caput?
4. Auditor aduerte, atque vindex  
Excipe iam famuli querelam:  
Nostrisque lucem luminibus tuam  
Præbe, sopore vt non moriar grauis.
3. Neu iactet hostis prævalentem  
Se mihi, neu sua gesta cantet.  
Namque inuidorum turba laboribus  
Gaudebit amens (si mouear) meis:
4. Ast ipse nostrum in te tuoque  
Munere præsidium locauit.  
Compos salutis, spero, breui tuæ  
Gaudebit altis visceribus meum  
Cor, & dicatis semper I A M  
Carminibus referam benignum.

## PSALMVS XIII.

Dixit insipiens in corde suo.

HUMANI GENERIS  
DEGENERATIO.

1. Ad præstantem, Dauidis.  
*Ode Tricolos Tetraſtrophos.*
- D**emens corde ferox sic statuit suo,  
Nullus nam est homines qui videat deus;  
Hinc corruptio morum,  
Hinc nullum studium boni.
2. IAS æthereis arcibus & genus  
Obseruans hominum, quis sapiat, DEVM;  
Quis curæve, colatve,  
Quærit cognitor optimus.
3. Defecere simul, turbaque perdita est  
Omnis; nec studio qui calcet boni,  
Vnum comperias, vel  
Cuius facta Deus probet.
4. An non artifices fraudis, & impij  
Norunt, quid referam? qui populum meum